



Indgået

26 SEP. 2017

Inatsisartuni ilaasortaq Justus Hansen
Demokraatit
/ Maani

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Tunami angallattakkanik oqarasuaatinut sullissineq pillugu § 37 naapertorlugu apeqquteqaammut 2017-216-imut akissut

25-09-2017
Sags nr.: 2017 - 20009
Dok. nr. 23501093

Asasara Justus

Postboks 909
3900 Nuuk

Apeqqutitut, Inatsisartut Suleriaasianni § 37 naapertorlugu nassiussannut qujanaq. Apeqqutit matuma kinguliani ataasiakkaarlugit akineqarput. Paasissutissanik akissuteqarnissamut atugassanik TELE-POST-imut piniartoqarpoq.

Tlf.: (+299) 34 50 00
E-mail: box909@nanoq.gl
www.naalakkersuisut.gl

1. TELE-POST-ip aasaq atorsimanerlugu Tasiilami atortut misissornissaannut, soorlu oqaatigineqartut apeqqutiga 2017-102-mik normulik akineqarmat? Tassunga atatillugu kissaatigaara paasissallugu, TELE-POST misissuinermini sunik paasisaqarsimanersoq.

Apeqqutinnut 2017-102-mut akissuteqarnitta kingorna TELE-POST sullitanut kiffartuussineq pitsaanerulersinniarlugu antennemut napparummik nappaasoqarnissaa sumi periarfissaqarnerseq naapertuunnorsorlu Tasiilami misissuisimavoq. Misissuinerup kingunerisaanik TELE-POST-ip inissiiffissaq pitsaanerpaaq sumiiffissivaa, tamatumalu kingorna nunaminertamik atugassinneqarnissamik qinnuteqarluni.

2. Tasiilami immikkut basestationiliorniariarluni pilersaarutit qanormita ingerlassappat, Tunumi oqarasuaatitigut attaveqarneq pitsanngorsarniarlugu? (Apeqqummut 2017-102-mut akissummi erseqqissumik oqaatigineqarpoq, 2017-imi aasakkut pilersitsisoqarnissaanut pilersaaruteqartoq).

Apriliimili 2017-imi TELE-POST-i Tasiilami antennemut napparummik (basestationimik) ataavartussamik ikkussinissap tungaanut, utaqqiisaagallartumik sullitat misigisaqarluarnissaannik pitsannguisussamik ikkussigallarpoq. Antennemut napparut napparneqarallartoq apriliip ulluisa arfernganni atulerpoq.

TELE-POST-i Tasiilami antennemut napparummik nutaamik, napparummut napparneqarallarsimasumut taartissamik nappaanissamik pilersaaruteqarpoq. TELE-POST-ip antennemut napparutip nutaap napparfissaanut nunaminertamik atugassinneqarnissamut akuersissut septembarip ulluisa sisamaanni tiguaa, tamatumalu kingorna nappaanissaq aallartinneqarpoq. TELE-POST-ip nappaanissap ukioq manna pisinnaanissaa suli naatsorsuutigaa.

3. Naalakkersuisut Tunumi angallattakkanik oqarasuaateqarnikkut attaveqarneq pillugu allanik soqutinartunik paasissutissaateqarnerlutik?

Apeqqut ima paasivara, ataatsimut isigalugu qaammataasaqarfinni atuisinnaanerup pitsaanerulernissaa kissaatigineqartoq. Teknologiiip periarfissarititai atorlugit

ajoraluartumik atuisinnaaneq killeqarpoq. Siusinnerusukku akissuteqaammi oqaatigineqartutut qaammataasanut teknologii pisinnaasat pitsaassutsillu eqqarsaatigalugit killeqarpoq. Kalaallit Nunaat attaveqaqatigiinnermut qaammataasanik ikittuaraannarnik atuisinnaatitaavoq, suliassaqarfimmilu tassani siunissami qanittumi ineriartortitsisoqarniannigilaq.

TELE-POST-ip qaammataasanik atuisinnaanermi teknologiip periarfissarititaanik atorluannaasaq ingerlaavartumik sulissutigaa. Ilaatigut TELE-POST septembarimi qaammataasamut nutaamut nuuppoq, Kalaallit Nunaata avannaani pitsannguinerinik atuutsilersiusunik. Ajoraluartumik tamanna Tasiilamut, qaammataasaq atorlugu data-nik pisartumut pitsannguiffiunngilaq, tamannalu qanoq suliarineqarsinnaanersoq paasiniaaffigineqarpoq. Siunissaq ungasissoq eqqarsaatigalugu qaammataasaqarfinni, taakkunungalugu Tasiilaq ilanngullugu, pitsaasumik ineriartortitsinissaq TELE-POST-ip aallutassatut pingaartittorujussuuaa.

Neriuppunga qulaani allaqqasuni apeqqutitit akineqartut.

Inussiarnersumik inuulluaqqusillunga



Erik Jensen